

樂山縣志卷之二

輿地志

星野  
關隘

沿革  
山川

疆域  
古蹟

形勝  
風俗

坤為大輿地載萬物夏書禹貢周禮職方皆輿地志所做也第百里之縣其於九州四海不猶彈丸乎然□□天象下成風俗襟帶山河舟車水陸歷朝之所損益前人之所流連皆攷古者所必詳也樂邑從古郡府州路沿革不常其參錯之變控馭之方世殊代異顧天有常道地有常形按圖而稽較若列眉矣若夫民醇事簡水綠山青泛三峽船載東巖酒訪贊皇

樂山縣志

卷二

星野

一

□名之石問楊侯破賊之崖知不僅登臨之美也志

輿地

星野

入參三度

按秦漢以來言天文者以史記天官書為準然其說畧至晉書天文志則詳哉其言之矣他如春秋元命苞華陽國志諸書皆與天文志符合信而可徵而唐宋以來或為異論以井鬼當蜀分野夫井猶可言也蓋東井十六度以後始屬秦初度至十

五度尙躔實沈之次衮延觜參二宿間故秦蜀相接之地尙有在東井之次者特與縣地無涉耳若鬼宿在井宿三十四度之後其不爲蜀分亦明矣夫在天一度統地二千九百三十二里晉書旣云犍爲入參星三度而今縣卽在晉犍爲郡所屬之南安縣地相去不過百里而近則其爲入參星三度無疑詳見府志不復贅

### 沿革

漢武帝旣通夜郎以夜郎旁小邑置犍爲郡治犍道領

### 樂山縣志

#### 卷二

沿革

二

縣十二曰犍道江陽武陽南安資中符牛鞞南廣漢陽郁郾朱提堂狼今縣卽南安縣地也

後漢犍爲郡治武陽領縣五曰武陽南安資中牛鞞犍道縣亦爲南安縣地

晉犍爲郡亦治武陽領縣五曰武陽南安治官資中犍道李符二姓僭據獠亂南安縣地多荒廢

宋犍爲郡亦治武陽領縣如晉之舊

齊徙犍爲郡還治犍道

此嘉定地不屬犍爲郡之始

而於資中縣地

別置南安郡治南安縣漢之南安晉之治官相繼俱

廢今縣地在南安郡之西以獠故荒廢

梁改齊齊通左郡為齊通郡兼置青州治齊通縣今縣地在青州之南

西魏廢帝平蜀改青州置眉州今縣地在眉州界內

後周初以眉州復為青州繼改嘉州置四郡俱屬於州一曰平羗郡治平羗領平羗一縣即今縣地也

隋開皇初改嘉州復曰眉州大業末廢州復置郡曰眉

山治龍游領縣九曰龍游平羗峩眉山今屬峩眉地非眉州

眉山也唐省洪雅以周之鎮改置夾江通義眉州地丹稜青神今縣

樂山縣志

卷二

沿革

三

地為龍游平羗地

唐高祖廢眉山郡復曰嘉州元宗時又改犍為郡隋時犍

為郡改南溪郡故也至肅宗乃如高祖之舊武德中屬益州都

督府天寶中屬蜀郡大都督府至德中屬西川節度

使治龍游領縣八曰龍游平羗峩眉羅目綏山夾江

犍為玉津也今縣治即唐嘉州治也縣地為龍游平

羗二縣地

五代前後蜀如唐舊

宋乾德三年平蜀得益彰嘉邛等州府四十六嘉州初

仍唐制不改寧宗慶元元年始以潛邸升嘉定府此嘉

定為府之始開禧初又置嘉慶軍節度屬成都府路治龍

游領監一曰豐遠縣五曰龍游峩眉洪雅夾江犍為

也今縣治即宋嘉定府治縣地即龍游縣

元世祖至元十二年宋安撫使胥萬壽以嘉定府降因

改府為路立總管府領州三曰眉邛榮領縣四曰龍

游峩眉夾江犍為而龍游縣為路治順帝至正中為

偽夏明玉珍所有今縣治即元之路治縣地即龍游

縣地也

樂山縣志

卷二

沿革

四

明太祖洪武四年蜀平仍改路為府曰嘉定府九年改

府為州曰嘉定州省龍游縣入州為州治今縣治即

州治也

國朝順治二年平定全蜀仍明制為嘉定州雍正十二

年升嘉定府仍置縣曰樂山治舊州地以縣境有至

樂山故名

按今縣本禹貢梁州之域周為開明氏故都秦為

蜀郡地

按秦伐蜀開明氏與戰不勝退保武陽漢事在周末秦通蜀時非始皇置郡時也

為南安縣地梁屬青州地西魏為眉州後周為嘉

州隋爲青衣縣又爲龍游縣又爲眉州唐復爲嘉州又改犍爲郡尋如故宋初改爲嘉祥尋復爲嘉州後升嘉定府元爲嘉定路明初改路爲府後爲嘉定州此歷代沿革之大畧也從前援引糾紛稱謂訛舛迄無定見惟新修嘉定府志考核精詳証據確鑿茲謹按條摘錄而復舉其大凡如此

### 疆域

東西距一百三十里南北距一百三十里東至榮縣界八十里西至峩眉縣界五十里南至犍爲縣界八十

### 樂山縣志

#### 卷二

疆域

五

里北至直隸眉州青神縣界五十里東南至犍爲縣界八十里西南至叙州府屏山縣界一百六十里東北至直隸資州井研縣界六十里西北至夾江縣界四十里

### 形勝

山水之勝蜀曰嘉州水陸要衝濱江無瘴背負三峩襟帶三江孤清秀絕爲蜀冠冕

### 關隘

平羌關城北卽平羌驛

嘉禾關城北

紫石關城北當嘉眉分界處

嘉慶關城東大江東岸宋置嘉慶軍節度關名以此

臨江關城北疑卽凌雲驛

二石關城東宋晏殊謂龍游縣有二石關卽此

綿竹關城北三十里疑爲漢平羗戍地

蘇稽戍城西南三十里

鹽關二一在涵春門一在雅河岸鷹嘴崖

山川

樂山縣志

卷二

形勝

關隘

六

高標山城內一名高望山又名萬景山府之主山也有

宋神霄玉清宮登絕頂四望其西三峩竦峙青衣沫

水自西來會於雙湖岷江自北來經平羗峽至凌雲

山前三江合流浩淼無際凌雲九峯相接稍南烏尤

馬鞍二山鱗次江岸丹厓翠壁望若畫圖江流平遠

戎瀘諸山宛在杯案昔人謂嘉陽山水爲西州冠非

虛語也

海棠山郡治後稍西地富海棠爲郡僚宴賞之地

凌雲山城東隔江一名青衣山又名九頂山宋人亦稱

爲小九嶷九頂者曰集鳳棲鸞望雲就日丹霞擁翠  
兌說祝融靈寶也唐會昌以前峯各有寺今惟存開  
元中所建凌雲一寺然亦屢經浩劫矣寺外導江沫  
江青衣江三水所會水木清華樓臺金粉鉅麗爲西  
南第一蘓軾以封侯識韓品第之非身歷不知也山  
有大佛閣治易洞載酒亭競秀亭清音亭詳見古蹟志諸  
名勝云

按蜀紀補罅嘉州十五景唐貞觀中刺史盧士瑄  
記曰望雲峯曰西嶺曰石梁水曰後壑曰分溪塘

樂山縣志

卷二

山川

七

曰桂竹汀曰樓原曰茗岡曰六渡潭曰長林閣曰  
望仙臺曰青菴徑曰山樞園曰石壑院曰南州草  
堂併賦詩刻之石上望雲峯卽凌雲九峯之一餘  
俱不可考

東山卽東巖凌雲山右一名榜山以形名又名聖岡山  
薛能所謂一郡隔前岡卽此山泉宜釀故曰佛峽人  
家白酒最有名也至如蘓軾詩一時付與東巖酒則  
益信而有徵矣

揚雄山城西一里有洞深邃漢揚雄故居

詳古蹟卷

宋改名

延祥觀

烏尤山凌雲山左舊名烏牛山黃庭堅過此易今名一名豚岩又名離堆亦名青衣山在大江中世言李冰所鑿以避沫水之患者也周廣七里長波四匝單椒秀出在九峯之後濃秀如金陵燕子磯每三江春漲烟雨秋深遠近空濛如萬頃碧玻璃中着青螺一點山有爾雅臺詳古蹟志郭璞故跡也石像山城西二里舊有能仁院院前有石像丈餘蓋作凌雲大像時樣也

樂山縣志

卷二

山川

八

三龜山城東北三里東山之右以形似得名當中一龜循其趾而上彎環有九洞又下龜山麓有八仙洞宋人題額曰希夷落魄抱璞指李踏歌月岩飛吟和鑑明彭汝實偃山浮閣在焉

九龍山城東北四里三龜山之右一名龍巖又名靈巖又名龍泓山上石壁刻石龍九相傳唐明皇幸蜀時所鑄強半磨泐其存者矯然有勢山最幽邃號小桃源寓公樓龍泓寺三高亭化龍池皆在其麓

馬鞍山城東南五里望之若馬鞍然與烏尤山丹厓翠



壁鱗次江岸

至樂山城西南五里樂山名縣以此舊名金燈山有泉  
一泓每歲人日郡守於此修油卜故事占歲豐歉昔  
清閑居士王璞嘗居此

梨花山城西出西津橋五里而遙梨花數百株昔有人  
寒疾藥不能療取梨食之卽愈

白佛山城西北六里有石龕鑄三佛自成白色刮去旋  
復本色

白崖山城北十里有洞三清風朝霞白雲也宋程公望

樂山縣志

卷二

山川

九

嘗隱此

雲頭山城北二十里一名石牛山有水自山頂流下瀑  
聲撼兩巖間如雷下流爲九溪卽竹公溪也

錦江山城北三十里江自成都來經其下因名上有太  
白亭

玉屏山城西三十里壁立如屏高可百丈

蘓稽山城西三十里有坡老亭明袁子讓謂蘇頌謫蜀  
居此陳文燭謂蘇軾讀書於此

三峽山錦江山北上犁頭峽中背峩峩下平羗峩杜甫

詩外江三峽且相接李白詩夜發清溪向三峽皆指此

熊耳山一名熊耳峽城北七十里舊平羗縣東北三十里連山競險接嶺爭高故老云武侯鑿山開道卽是熊耳峽東卽古道唐人所謂熊阜外虞也

印臺山在城西五里

茶山城西五里

洛都山近茶山

卓望山城東北三十里有卓王孫塚

樂山縣志

卷二

山川

十

水兌山城北一里亦名聖水山

東尖山城西或云城東一名馬落

紅巖山城東南十五里

觀斗山城西一里

西尖山與東尖山對峙

玉鳳山高幟右翼

龍頭山高幟左翼

蝦蟆嘴玉鳳山右

協氣山城東二十里

石犀山城東十五里

官帽山城西十里

五峯山城西四十里

四峯山城東十里許默齋隱此

中和山高標山左內翼

大渡河城西南舊名泝水訛泝水一名沫水亦名陽山  
江源出松潘西徼外羊膊嶺故水經曰出廣柔徼外  
水經注曰出汶江徼外也從羊膊嶺西南流經雜谷  
章谷美諾諸夷地南過瀘定橋又東南經越嶲廳北

樂山縣志

卷二

山川

十一

出於清溪縣屬松坪土司之大板房至峩眉縣中鎮  
入郡界故九域志曰峩眉縣有大渡河而舊省志以  
其出中鎮故又稱中鎮河也十五里至歸化堡二十  
里合金口河又五十里合羅目江故元和志曰大渡  
河在羅目縣北源出嶺州也三十里出楊漩入縣界  
一百五十里合雅河故水經注曰南至南安入大渡  
水也

雅河城西亦名沫水亦曰陽山江一名蒙水一名銅河  
又名青衣水又名平羗江又名大渡水源出天全州

徼外董卜韓胡之境故水經注曰沫水出青衣蒙山

也

古蒙山在雅州之西非今之蒙山也

從全州南流經蘆山雅安諸

縣至水口入郡屬洪雅縣界故九域志曰洪雅縣有

雅川也三十五里合花溪二十里過洪雅縣城故元

和志曰雅河經縣南一里亦曰洪雅川也二十五里

入郡屬夾江縣界故寰宇記曰洪雅川東西屈曲一

百三十里接夾江縣界也五里合稚川溪五十里過

夾江縣二十里入縣界二十里合大渡河故河渠志

曰青衣縣有大渡水東至南安入澱水也五里至城

樂山縣志

卷二

山川

十二

東凌雲山下合大江故水經曰至犍爲南安縣入於江也

大江城東俗名通江一名岷江又名導江自青神縣流入縣界故水經注曰東至南安也五十五里合竹公溪又五里至凌雲山下合雅河大渡河二水故水經曰青衣水沫水從西南來合而注之寰宇記曰導江沫水平羌水會於青衣山下也十里合漢水故水經注曰東至南安爲璧玉津也

大西湖城西瞻峩門外合負郭山溪水滙爲池與大江

隔一堤大二十畝水平如鏡可以泛舟又有小西湖相距二百餘步大僅前湖三之一明任給諫有齡築明湖書屋於此

石堂溪城東一里源出溪泉流入明月湖亭退入流花橋合導江

竹公溪城北三里源出雲頭山下流至張公橋入大江新城王漁洋云自夾江連珠舖連岡複嶺直達州郭一水遶郭南流注江曰竹公溪有竹林三郎祠溪上人家背江面山隨溪數曲達於州門

樂山縣志

卷二

山川

十三

泥溪城東五里謂卽擁斯范水者非也源出井研縣萬山中經井研縣西南入縣界合麻坪水至小萬渡入大江井研唐屬仁壽郡故他書或以爲源出仁壽也蘓溪城西三十里源出峩眉縣

三溪城北源出平羌峽口鱗魚洞流入大江李白詩夜發清溪向三峽卽此

浣龍池城東三十里保平鄉圍六百餘丈灌田數百畝相近有天生泉深不可測旱禱立應傳是神龍所宅也

麻坪水城東北四十里源出金銀岡至五塊石千佛崖  
與泥溪合

古蹟

龍游廢縣卽今縣治隋開皇十三年伐陳理舟艦於此  
有龍見江中引軍而前故名明初省入嘉定州  
平羌廢縣在縣北四十里周保定元年置平羌縣於今  
縣治隋開皇三年別置于深谷戍唐遷於開峽驛宋  
熙寧五年省爲鎮入龍游今爲平羌鎮

宋豐遠監城北五十步景德二年置司鑄鐵錢至元而

樂山縣志

卷二

古蹟

十四

廢

見九  
域志

萬景樓城內高標山麓宋宣和中州牧呂由誠建所望  
空濶諸邑邊砦指顧在目范石湖詩若爲喚得涪翁  
起題作西南第一樓

安樂園城內高標山下陸游云予參成都議幕攝事漢  
嘉一見荔子熟時凌雲山安樂園皆盛處糾曹何預  
元立法曹蔡迨肩吾皆佳士日相與同盤桓薛許昌  
亦嘗以成都幕府來攝郡未久罷去故其荔支詩曰  
歲抄監州曾見樹時新入座但聞名蓋恨不及時也

每與二君誦之

藏丹洞郡治西望雲樓東有石穴天將雨輒出雲氣宋  
乾道中陸游監郡日發之則石室屹立室之前有瓦  
缶貯丹砂雲母奇石或爛然類黃金蓋金丹之餘也  
明月湖城內近譙樓隨鬱姑將軍開晉郭璞識云鬱姑  
鬱姑將州對洛都但看千載後變成明月湖卽此湖  
上有樓曰明月以湖名也  
澄江樓城東舊憲司後宋建左窺龍泓右瞰烏尤高明  
爽塏盡得江山之勝

樂山縣志

卷二

古蹟

十五

璧津樓城東南宋提刑使陳謙建曰璧津者蜀都賦東  
越玉津注江出璧玉故名是也跨城爲樓下瞰三江  
九頂三峩森列左右名勝志樓爲宋郡守游仲鴻建  
又舊州志仲鴻子似提刑潼川時嘗重修之魏了翁  
爲之記

荔枝樓城南唐建薛能有詩舊志作宋建悞宋乾道間  
陸游取家藏前輩筆札盡刻石置樓下

方響洞城內高標山下古廣福院中有水洞靜聽洞中  
時有金玉聲不知水滴何許作此聲也舊名丁東水

寺亦因名丁東院黃山谷更今名又吳船錄郡治正堂之偏有孫真人祠祠前有丹井井有石洞亦有水聲如丁東號鳴玉洞今不知其處矣

三峩書館城內繪楚狂接輿之像於壁舊有歌鳳臺三高亭諸勝今廢

盡心堂城內舊提刑司署內宋楊王休爲憲使以一路渠堰源派鍾泄及西南夷邊寨堡障道理斥堠繪之壁間制如籌邊樓而加詳於民事焉

雪堂城內宋憲使程詠之建在舊憲司重堂之後詠之

樂山縣志

卷二

古蹟

十六

又盡取所藏雪圖挂四壁故榜曰雪堂深邃清涼專以度暑

問月堂城內宋時賓館也月正出前簷因名范成大詩鬢絲今夜不多黑酒量徹明無數寬卽此地

月榭城內宋乾道中陸游監郡時建并刻唐人所畫孟貞曜歐陽率更二像於石榭正直大峩因取太白峩眉山月歌語意以名之傍有一巖景趣尤佳范成大別後寄題漢嘉月榭有隱吏詩情卜築幽句爲游作也



涪翁亭在安樂園內舊名涪翁軒蓋黃庭堅自題也宣和以前未有萬景樓故庭堅以安樂園爲勝蓋常游之有題名石刻明州牧魏瀚重建

大像閣卽大佛閣宋之天寧閣也在凌雲山之南當瀆水沫水濛水三江之衝悍流怒浪之濱唐開元中僧海通鑿山爲彌勒大像高踰三百六十尺目廣二丈爲樓十三層自頭面以極其足極天下佛像之大至韋臯鎮蜀時積十九年矣工始備陸游謂每歲漲水不能及佛足者卽此閣正面三峩餘三面皆佳山衆

樂山縣志

卷二

古蹟

十七

江錯流諸山間

清音亭凌雲寺內蘓軾書額南宋時某廉訪易名橫山堂邵博毀之仍舊名亭與競秀亭皆俯江平視三峩極曠望之致

競秀亭凌雲寺外凌雲諸勝皆內闕獨茲亭單椒秀出青山白雲長江萬里皆可坐而得之

洗墨池在凌雲寺清音亭下有小澗跨石梁蘓軾洗墨處也亭前舊有栢池上舊有松各四株種類特殊離奇磊落皆千年外物今俱亡

治易洞凌雲寺右稍後宋郡守吳祕題名洞前有見易  
二字大可方丈又有蘇軾摩崖二十字并詩其詩今  
蘇集不收

註易洞凌雲山陰正方可坐數十許人明州人安佑讀  
易於此州牧梅羹爲之題額陳嘉言劉隅爲之序銘  
後袁子讓刻五碑其中

載酒亭在凌雲山蘇軾詩但願身爲漢嘉守載酒時作  
凌雲游後人取其語作此亭於山上

釣魚臺凌雲山後石堂溪畔薛能詩所謂三面接漁樵  
樂山縣志

者也蘇軾初發嘉州曾期鄉僧宗一會別於釣魚臺  
下故其詩云野市有禪客釣臺尋暮烟

東坡書院有二一在凌雲寺清音亭上建置無考一在  
龍泓山明正統中州人劉洪禹建

揚雄故宅在揚雄山舊名揚雄觀有西蜀子雲亭宋至  
道三年賜名延祥觀

爾雅臺在烏尤山正覺寺外晉郭璞移水記云世主播  
遷於是優游笑傲放意山間乃於嘉州城東百步烏  
尤山鑿書巖云云故世傳郭註爾雅於此山下產墨

魚俗謂食硯墨所化立春後泛子漁人以燈火照之  
輒止不去

爛柯洞城東北近龍泓寺有東坡擘窠爛柯巖洞四字  
洞前有流盃池旁有金蟹池杜康池洞天附庸諸勝  
明宏治中州牧曹介建景蘇樓於其前相近又有雙  
鶴洞有泉一泓雖旱不涸明州人彭汝寔別號鶴泉  
以此又方輿考畧爛柯洞中尙有溫國隸書道不遠  
人一章蓋其孫邁守嘉時所爲者

寓公樓城東隔江龍泓寺右寓公者謂陸通揚雄郭璞  
樂山縣志  
卷二  
古蹟  
十九  
李白蘇軾黃庭堅邵博晁公武也樓之左右有三高  
亭小桃源諸勝

第一洞天城西十里舊名穿洞兩洞相聯宏敞深邃可  
坐數十人明宏治間學使王勅誅茅得之題此  
白崖三洞城北十里曰白雲曰朝霞曰清風朝霞洞一  
名蘊眞洞亦名治易洞是爲宋逸民程公望注易故  
居元祐紹聖間眉州蘇洵父子郡守呂昌朝宋岳皆  
數過其地開禧元年永嘉陳謙摩崖題程公洞三字  
於清風朝霞之間嘉定十五年提刑張方來游惜其

字已剝損而又以三洞惟白雲最勝因重書於白雲  
洞口元延祐中并建有臨川閣下臨竹公溪今廢  
太白亭城北三十里錦江山之巔方輿勝覽作錦江山  
之側或謂在三峽山或謂在象耳山二山故相近也  
有李白石刻二十一字宋黃庭堅爲作太白亭

荔枝灣城北二十里府江之濱明時舊州峩眉洪雅夾  
江犍爲榮縣俱出荔枝今獨縣有之而產瀘江者又  
遜於府江空江古岸殆亦靈光歸然爲此邦碩果矣  
又有一種開並蒂花結並頭果一囊雙核名並頭歡  
樂山縣志

卷二

古蹟

二十

乃川中絕品也亦云嘉產今亡之矣  
漢五尺道唐蒙通夜郎時所鑿今縣臨大江岸便山嶺  
相連經益州郡有道廣四五尺深或百丈斬鑿之跡  
尙存

七星池城內五曰鎮定積陰菱角播陽桂華城外二曰  
浴鳳集霖相傳合魁柄之數以厭火災然積水無源  
久多湮塞明萬歷十七十八年間火災數見知州李  
采爲淘濬七池乃止又有桂華井在桂華池之旁七  
孔出泉其味清甘云是七星會萃之所也

獠洞鑿崖爲洞山谷間往往有之有濶數丈深至數十丈者傳是晉宋間獠人所鑿也

海棠灣城內

皇華臺城東北唐宋館使臣處

雨花臺在凌雲山

近河亭凌雲山洗墨池之右

浮玉亭凌雲山競秀亭南

勸農亭城內明知州鍾鎮建

八卦亭城東傳爲郭璞所鑿

樂山縣志

卷二

古蹟

二十一

先天閣在高標山

尊賢堂城內

碧雲亭城西三十里

高望樓高標山下

明月湖有二一在城內見本卷一在城東石堂溪

雙湖城西五里

按嘉州山水爲蜀中之冠前代名賢寄蹟冠蓋往來皆因地創建以備遊觀歷年久遠又以明末痛遭兵燹強半就湮今可存者不過什之一二然數

典不忘責難旁諉因攷府志所載山川古蹟二門  
既詳且賅不敢復爲增損依序備錄至興廢舉墜  
願以俟後之君子

塚墓

漢

卓王孫墓城東北三十里卓望山

宋

侍郎晁公武墓符文鄉小石橋

幕漕劉著墓

樂山縣志

卷二

塚墓

二十二

明

主事安佑墓城北青竹祠

彭汝寔墓城北平羌鄉

尹東郊墓城北近龍泓寺

侍郎范醇敬墓城東新場

副使羅緄墓縣南距河

中允王毓宗墓縣北竹公溪

副將楊展墓城西鷹嘴崖

義塚城西北高標山後

風俗

士大夫之郡

人士俊乂

俱見華陽國志

地靈人秀

見識道堂記

有禮義廉恥之風

見任熙明教授題名記

土地沃美民勤耕織士尚詩書

見通志

民勤稼穡不好爭訟

見一統志

禮俗

冠禮士大夫間一行之

樂山縣志

卷二

風俗

二十三

婚禮川省五方雜處各從其鄉之俗

喪禮喪葬知遵家禮貧者數日而葬謂之乘凶葬三日

而上塚謂之復山清明之祭不過社日

祭禮忌日及歲時祭於家於墓或於宗祠無常品

婚禮娶前一日夫家花燭婦家花宵各有讌至日讌謂

之拜香火其明日有拜茶讌又明日有回門讌

生子則送粥米生子之家三日請客謂之三朝酒匝月

有湯餅會凡吉凶事釀金以助亦謂之會凶事又謂

之孝友會頗便貧者

日三餐稻米火米不等下戶或以苽麩雜糧爲食酒有常酒以糯釀之有燒酒以茶蘼爲麩佳者爲坐家酒其釀蕎爲上梁與麥黍次之稻又次之糟燒不足語矣

川俗多賽神信巫近官禁漸少

歲時元旦長幼夙興牲醴粬粒以祀神及其先祖次上塚拜尊長戚里相爲飲食至上元始已 上元爲試燈讌自十四日起十六日止鼓吹喧闐士女踏燈嬉游以爲走百病 清明日攜榼佩壺以掃墓或以踏

樂山縣志

卷二

風俗

二十四

青婦女貼勝於髻名柳葉符 四月八日作浴佛會 五月五日泛菖蒲雄黃酒以角黍交遺近水次者 競渡 六月六日祀青苗神蓋社公也蜀之民或以謂祀趙昱及龐士元 七夕女子乞巧設瓜果於庭 中元墓祭如清明節 中秋陳菓臠瓜作賞月讌 重陽飲黃花酒佩茱萸以登高 十月初一日墓祭或祠祭必具楮帛謂之送寒衣農家以米飴懸於牛角而勞苦之租於人者以是日償蓋自明已然矣 下元作水宮解厄醮 冬至日儀如元旦而殺



十二月五日以諸穀菽爲粥曰五豆粥八日煮之曰臘八粥二十四掃宇祀竈有用二十三日者除日分年飯祭而後分雖猫犬不遺儲水度可二三日用凡門巷器具皆貼以楮錢是日掃除必潔爲元日忌也入夜篝燈圍爐聚飲守歲多燃爆竹燒蒼朮烟以辟不祥於是少者行辭歲之禮